

Нега муслима ғайридийн билан турмуш қуриши мумкин эмас



17:47 / 06.01.2018 8360

Муслима аёл фақат мусулмон эркак билангина турмуш қуриши мумкин. Ғайридийн эркакка эрга тегиши муслима аёлга қаттиқ ман қилинганды. Бу борада эркак ахли китоб бўлса ҳам бўлмайди. Мусулмон эркак масиҳия ёки яҳудия аёлга уйланса бўлади. Аммо муслима аёл масиҳий ёки яҳудий эркакка турмушга чиқиши мумкин эмас. «Нима учун?» деган савол пайдо бўлиши турган гап. Жавоб қуидагича:

Ислом ўзидан олдинги дийнларни тан олади. Жумладан, масиҳий ва яҳудий дийнларини ҳам тан олади. Масиҳий ва яҳудий дийнлари эса Ислом дийнини тан олмайдилар.

Шу асосда масиҳий ёки яҳудий аёлга уйланган мусулмон эркак ўз хотинининг дийнини тан олади ва ҳурмат қиласди. Шунингдек, унинг илоҳий китоби – Инжил ёки Тавротни, Пайғамбари Ийсо алайҳиссалом ёки Мусо алайҳиссаломларни ҳам тан олади ва ҳурмат қиласди.

Масиҳий ёки яҳудий эркак эса Ислом дийнини ҳам, Қуръони Каримни ҳам тан олмайди, ҳурмат ҳам қиласди, аксинча, ҳақорат қиласди. Муҳаммад соллаллоҳу алайҳи васалламни ҳам тан олмайди, ҳурмат қиласди. Аксинча, алдамчи, фирибгар ва хотинбоз, деб ҳақорат қиласди. Бундай

ҳолда муслима аёл у билан қандай қилиб турмуш қила олади?

Қолаверса, Ислом масиҳий ва яхудий аёлга мусулмон эркак билан яшаш давомида унинг барча ҳуқуқларини ҳимоя қилувчи, дийни, эрки, моли ва бошқа нарсаларнинг дахлсизлигини таъминловчи очиқ-ойдин қонун-қоидаларни жорий қилиб қўйган.

Масиҳий ва яхудий дийнларида эса бу нарсалар ҳақида бир оғиз ҳам сўз йўқ. Бундай ҳолда муслима аёлни қандай қилиб масиҳий ёки яхудий эркакнинг қўлига топшириш мумкин?

Шайх Муҳаммад Содик Муҳаммад Юсуф

(Ҳадис ва ҳаёт китобидан)